



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 255

DATUM: 22.02.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.juriscic@sogfbih.ba

Sadržaj biltena:

Održan sastanak Mreže za javne finansije/financije Saveza općina i gradova FBiH

1

Održan Uvodni promotivni događaj na temu: "Efikasna organizacija i efektivno upravljanje vodnim uslugama kroz planiranje kapitalnih infrastrukturnih investicija"

2

Održana zajednička sjednica dvije komisije Saveza općina i gradova FBiH i Saveza općina i gradova RS

3

Održana sjednica Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša

4

Izabrani novi načelnici u općinama Bosansko Grahovo, Bosanski Petrovac, Bužim, Domaljevac-Šamac, Drvar i Kakanj

4

Predstavnici Saveza prisustvovali proslavi obilježavanja Dana Općine Odžak

5

Održan sastanak načelnika pet majevskih općina

5

Općina Centar Sarajevo sa najvećim brojem održanih sjednica vijeća u BiH

5

Predstavnici Saveza u posjeti općinama

6

Najava Sedme sjednice Predsjedništva Skupštine Saveza općina i gradova FBiH

6

Najava obilježavanja dana općina i gradova za mjesec mart/ožujak

7

Bilten Saveza općina i gradova Federacije Bosne i Hercegovine

ODRŽAN SASTANAK MREŽE ZA JAVNE FINANSIJE/FINACIJE SAVEZA OPĆINA I GRADOVA FBiH

U Mostaru je u utorak, 12. februara/veljače 2019. godine održan osnivački sastanak Mreže za javne finansije/financije Saveza općina i gradova FBiH (SOGFBiH) na kojem je sudjelovalo četrdeset predstavnika jedinica lokalne samouprave koji su tom prigodom potpisali i Deklaraciju o osnivanju spomenute mreže. Mreža za javne finansije/ financije Saveza općina i gradova FBiH predstavljat će konzultacijsko i savjetodavno tijelo u okviru Saveza općina i gradova FBiH i zajedničku platformu pomoćnika načelnika/gradonačelnika za financije, pri čemu će glavna svrha Mreže biti jačanje aktivnosti i inicijativa u segmentu javnih financija općina i gradova u Federaciji BiH i jačanje suradnje i koordinacije pomoćnika načelnika/ gradonačelnika za financije.

U okviru Mreže bit će obrađivane teme vezane za stanje i probleme općinskih/gradskih financija i iznalaženje zadovoljavajućih rješenja za pojedinačne i zajedničke probleme u segmentu općinskih/gradskih financija (kao što su raspodjela prihoda od izravnih i neizravnih poreza jedinicama lokalne samouprave, pitanje taksu i naknada, eventualno donošenje Zakona o financiranju jedinica lokalne samouprave...), te definiranje sugestija jedinica lokalne samouprave, koje će biti upućivane višim razinama vlasti (županijskoj i federalnoj), s ciljem usklađivanja zakonodavstva u oblasti javnih financija s prijedlozima jedinica lokalne samouprave.

- Krajnji je cilj rješavati zakone koji su najveći problem kada govorimo o lokalnoj samoupravi te borba za decentralizaciju, od Zakona o javnim prihodima u FBiH do drugih zakonskih i podzakonskih akata koji imaju direktno utjecaj na rad općina i gradova u pogledu financiranja - kazao je nakon sastanka zamjenik predsjednika Predsjedništva Skupštine općine Saveza gradova i općina (SOGFBiH) Ivan Vukadin.

Napomenuo je kako se građani prvo obraćaju načelnicima i administraciji jedinica lokalne samouprave za rješavanje svojih problema pa im iz tih razloga predstoji borba za decentralizaciju u službi javnih prihoda.

Glavna savjetnica Grada Mostara Radmila Komadina ocijenila je kako predstavnicima jedinica lokalne samouprave predstoji veliki zadatak, a to je analiza zakonskih i podzakonskih propisa koji se odnose na javne prihode i financije i na osnovu nje (analize) zajednički nastup Saveza općina i gradova prema višim instancama vlasti (federalnim i županijskim) za izmjenu tih zakonskih propisa.



Zajednička fotografija sudionika osnivačkog sastanka Mreže za javne finansije Saveza općina i gradova FBiH



Detalj sa obraćanja Vesne Travljanin, direktorice Saveza

konsultant Saveza. Za predsjednika Mreže izabran je Josip Juričić, pomoćnik načelnika u Službi za razvoj, poduzetništvo, obrt i financije Općine Prozor-Rama, a za zamjenika predsjednika Suada Isaković, pomoćnica gradonačelnika Grada Tuzla za Službu za budžet i financije.

ODRŽAN UVODNI PROMOTIVNI DOGAĐAJ NA TEMU „EFIKASNA ORGANIZACIJA I EFEKTIVNO UPRAVLJANJE VODNIM USLUGAMA KROZ PLANIRANJE KAPITALNIH INFRASTRUKTURNIH INVESTICIJA“

U organizaciji Saveza općina i gradova FBiH u sklopu Projekta „Regionalna mreža za razvoj kapaciteta za usluge vodosnabdijevanja i otpadnih voda na Zapadnom Balkanu“ (RCDN) u Tarčinu je održan 13. februara/veljače 2019. godine Uvodni promotivni događaj na temu „Efikasna organizacija i efektivno upravljanje vodnim uslugama kroz planiranje kapitalnih infrastrukturnih investicija“. Projekat RCDN je usmjeren na povećanje efektivnosti i efikasnosti javnih komunalnih poduzeća iz oblasti vodosnabdijevanja na Zapadnom Balkanu, dajući doprinos boljem pružanju usluga sa ciljem povećanja broja stanovništva koje ima pristup uslugama pitke vode i kanalizacije, te da bi se zadovoljila pravna stečevina EU (Acquis Communautaire) za okoliš.



Edin Demirović, predstavnik Saveza općina i gradova FBiH

Na ovom događaju učesnicima su se obratili: Vesna Travljanin, direktorica Saveza općina i gradova FBiH, Edin Demirović, predstavnik Saveza, Vesna Muslić i Sandi Zulić, predstavnici Udruženja za oblasti voda i zaštite okoliša „Aquasana mreža u BiH“ i Osman Čaušević, predstavnik Udruženja/Udruge poslodavaca komunalne privrede u FBiH.

U okviru skupa organizovana je panel diskusija, gdje su učesnici razgovarali o pomenutoj temi. Projekat zajednički finansiraju Švicarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ Projekat „Otvoreni regionalni fond za jugoistočnu Evropu - modernizacija općinskih usluga“ (ORF MMS). Tim za implementaciju Projekta sastoji se od tri regionalne mreže i to: Međunarodno udruženje poduzeća za vodosnabdijevanje u slivu rijeke Dunav (IAWD), Udruženje za oblasti voda i zaštite okoliša „Aquasana mreža u BiH“ i Mreža asocijacije lokalnih vlasti u Jugoistočnoj Evropi (NALAS).

Projekat RCDN je usmjeren na povećanje efektivnosti i efikasnosti javnih Komunalnih poduzeća iz oblasti vodosnabdijevanja na Zapadnom Balkanu, dajući doprinos boljem pružanju usluga sa ciljem povećanja broja stanovništva koje ima pristup uslugama pitke vode i kanalizacije, te da bi se zadovoljila pravna stečevina EU (Acquis Communautaire) za okoliš.





ODRŽANA ZAJEDNIČKA SJEDNICA DVIJE KOMISIJE SAVEZA OPĆINA I GRADOVA FBiH I SAVEZA OPŠTINA I GRADOVA RS

U ponedjeljak, 18. februara/veljače 2019. godine održana je zajednička sjednica Komisije za međunarodne veze, saradnju i EU integracije SOGFBiH i Odbora za međunarodnu saradnju i EU integracije i privredni razvoj SOGRS.

Direktorica Saveza, g-đa Vesna Travljanin obratila se prisutnima u ime oba saveza, te je u uvodu posebno naglasila posvećenost dva saveza u procesima EU integracija, i predstavljanju i zastupanju interesa jedinica lokalne samouprave iz cijele BiH. Prisutnima se kratko obratio i pozdravio i g-din Mario Vignjević, predstavnik Ambasade Švedske u BiH, naglašavajući opredjeljenje Ambasade Švedske da podrži pozitivne procese razvoja jedinica lokalne samouprave u BiH.

Glavna tema sjednice bila je diskusija i prezentacija sažetka izrađene analize dva saveza na temu uticaja EU legislative na jedinice lokalne samouprave u BiH iz oblasti: javnih nabavki, politike zapošljavanja i socijalne politike, regionalne politike i strukturnih instrumenata, ruralnog razvoja, okoliša, i iskustva Republike Hrvatske. Analizu je predstavio g-din David Young, a koji je mentorisao proces izrade analize. Učesnici su ocijenili analizu korisnom i naglasili potrebu za jačanjem, kako svijesti, tako i kapaciteta predstavnika jedinica lokalnih samouprave u ovoj oblasti.

Pored predstavljanja analize, predstavnici dva saveza predstavili su prisutnima planove za konferenciju na kojoj će učesnici, pored prezentacije analize, imati priliku čuti iskustva iz regiona i dobre prakse učešća jedinica lokalne samouprave zemalja regiona u procesima EU integracija. Posljednja tema za diskusiju bila je prezentacija nacrt dokumenta „Mapa puta za sudjelovanje saveza u procesu pristupanja EU-u“, a koji identifikuje buduće pravce djelovanja dva saveza u procesu El. Učesnici su tokom diskusije ponudili dodatne sugestije i rješenje koji će se ugraditi u nacrt dokumenta.

Zaključeno je da je svakako neophodno nastaviti započete procese, uključiti i obezbijediti učešće svih jedinica lokalne samouprave u procesima EU integracija, a posebno u smislu lobiranja i zastupanja interesa lokalnih vlasti u procesima El, te da oba saveza nastave sa jačanjem svijesti i jačanjem kapaciteta kroz provedbu planiranih aktivnosti iz ove oblasti.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Detalj sa zajedničke sjednice dvije komisije



ODRŽANA SJEDNICA KOMISIJE ZA IMOVINSKA PITANJA, PROSTORNO UREĐENJE, STAMBENO-KOMUNALNE DJELATNOSTI I ZAŠTITU ŽIVOTNOG OKOLIŠA



Detalj sa Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša

U Hotelu „Forest Resort & Spa Sarajevo“ u srijedu, 13. februara/veljače 2019. godine održana je sjednica Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša. Na sjednici je razmatrana informacija o aktivnostima vezanim za izradu Nacrta zakona o građevinskom zemljištu usklađenim sa Zakonom o stvarnim pravima.

Nacrt zakona o građevinskom zemljištu trebao bi osigurati: valjan temelj za pitanja upisa u

Zemljišnu knjigu; regulisati pitanja parcelizacije koju definiše važeći planski akt, što omogućava privođenje zemljišta njegovoj namjeni; riješiti pitanje rente; pitanje uređenja zemljišta; pitanje prava jedinica lokalne samouprave na pravo preče kupnje i pitanje prava vlasništva.

Nacrt zakona će se razmotriti putem Saveza općina i gradova Federacije Bosne i Hercegovine kako bi jedinice lokalne samouprave dale mišljenje, primjedbe i sugestije na isti.

IZABRANI NOVI NAČELNICI U OPĆINAMA BOSANSKO GRAHOVO, BOSANSKI PETROVAC, BUŽIM, DOMALJEVAC-ŠAMAC, DRVAR I KAKANJ

Na osnovu preliminarne rezultata Centralne izborna komisije (CIK) na prijevremenim izborima, koji su održani u nedjelju, 17. februara/veljače 2019. godine, izabrani su novi načelnici u općinama: Bosansko Grahovo, Bosanski Petrovac, Bužim, Domaljevac-Šamac, Drvar i Kakanj. U Općini Bosansko Grahovo sa 58,62 posto glasova pobijedio je nezavisni kandidat Milorad Gligić, dok je u Općini Bosanski Petrovac najviše glasova dobio nezavisni kandidat Dejan Prošić (29 posto glasova). Sa 50, 64 posto osvojenih glasova izbornu pobjedu odnio je kandidat iz SDA Mersudin Nanić u Općini Bužim, dok je za načelnika Općine Domaljevac-Šamac izbornu pobjedu ponio kandidat HDZ-a Stjepan Piljić.



Stjepan Piljić, novi načelnik Općine Domaljevac-Šamac

Kandidatkinja SNSD-a Dušica Runić nova je načelnica Općine Drvar sa osvojenih 60,01 posto glasova, dok je u Općini Kakanj upobjedu ostvario Aldin Šljivo, kandidat iz SDA sa osvojenih 60,78 posto glasova.

Novoizabranom načelniku u Općini Bužim, Mersudinu Naniću je ovo prva funkcija u organima vlasti. On je prethodno bio na čelu Mjesne zajednice Bužim. Kada je riječ o prijevremenim izborima u Općini Domaljevac-Šamac treba naglasiti da je izabrani načelnik Stjepan Piljić bio jedini kandidat na ovim izborima, on je još u decembru prošle godine preuzeo funkciju vršioca dužnosti Općine Domaljevac-Šamac, nakon što je prethodni načelnik Mario Jurkić podnio ostavku zbog preuzimanja funkcije kantonalnog zastupnika.

Nova načelnica Općine Drvar, Dušica Runić obnašala je funkciju v.d. načelnice Općine Drvar, dok je bogato radno iskustvo stekla radom u međunarodnim organizacijama, a bila je uposlenica i u Poreskoj upravi BiH.



Grb Općine Domaljevac-Šamac



Grb Općine Odžak

PREDSTAVNICI SAVEZA PRISUSTVOVALI PROSLAVI OBILJEŽAVANJA DANA OPĆINE ODŽAK

Predstavnici Saveza općina i gradova Federacije Bosne i Hercegovine prisustvovali su 8. februara/veljače 2019. godine svečanoj proslavi povodom obilježavanja Dana Općine Odžak. Proslava je započela tardsionalnim karnevalom najmlađih stanovnika općine, koji su na veseli način obilježili Dan Općine Odžak, maskirajući se u razne i neobične likove. Nakon dječije tačke, brojne zvanice i izaslanstva položili su vijence i zapalili svijeće ispred Spomen obilježja, čime je odata počast svim poginulim borcima ovog područja. Brojni sugrađani i zvanice su se potom uputili prema JU Centar za kulturu Odžak, gdje je održana svečana sjednica Općinskog vijeća.

Pored velikog broja zvanica i prijatelja Općine Odžak svečanoj sjednici se obratio g-din Jakov Ivanković, načelnik Općine Odžak, koji je govorio o tekućim projektima Općine Odžak, kao i privrednom ulaganju u ovu sredinu, s ciljem zapošljavanja lokalnog stanovništva.



Jakov Ivanković, načelnik Općine Odžak

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmedeu.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ODRŽAN SASTANAK NAČELNIKA PET MAJEVAČKIH OPĆINA



Sa sastanka pet načelnika

U organizaciji Misije OSCE-a u Bosni i Hercegovini, u Loparama je organizovan sastanak o međuopćinskoj saradnji na temu razvoja turizma u općinama koje se prostiru na području planine Majevica.

Na sastanku, kojem su prisustvovali načelnici općina Sapna, Teočak, Čelić, Lopare i Ugljevik, potpisano je pismo namjere, s ciljem doprinosa razvoju efikasnih politika i mjera za razvoj i unapređenje turizma i turističkih potencijala

lokalnih zajednica majevičkih Općina. Radi se o utvrđivanju zajedničkih interesa za stvaranje novih sadržaja u turističkoj ponudi sa naglaskom na zaštitu i promociju prirodnih bogatsava i kulturno-historijskih spomenika.

Također, dogovorena je uspostava stalne Radne grupe putem koje će se realizovati projekti od zajedničkog interesa.

OPĆINA CENTAR SARAJEVO SA NAJVEĆIM BROJEM ODRŽANIH SJEDNICA VIJEĆA U BIH

Od održanih zadnjih lokalnih izbora u Bosni i Hercegovini 2016. godine do decembra 2018. godine Općinsko vijeće Općine Centar zasjedalo je čak 47 puta zbog čega je ova Općina prva po broju održanih sjednica u BiH.

U navedenom periodu raspravljalo se i razmatralo o 531 odluci, rješenju i izvještaju. Ukupno su podnesene 584 inicijative. Na drugom mjestu po broju održanih sjednica je Grad Zenica čiji su vijećnici zasjedali 39 puta. Podnijeli su 275 inicijativa, razmatrali su i raspravljali o 232 odluke, rješenja i izvještaja. Na trećem mjestu, po broju zasjedanja su Općine Kalesija i Živinice, čiji su vijećnici održali po 34 sjednice, a jednu manje imali su vijećnici OV Ilijaš. Po 31 sjednicu imali su Grad Banja Luka, te općinska vijeća Hadžići i Doboju Istok. Gradsko vijeće Grada Sarajeva u ovom periodu zasjedalo je 19 puta.



Zgrada Općine Centar Sarajevo



PREDSTAVNICI SAVEZA U POSJETI OPĆINAMA

U okviru Analize pripadnosti javnih prihoda općinama i gradovima u FBiH, u srijedu, 13. veljače/februara 2019. godine, Gregor Jurišić, viši suradnik za financijska pitanja Saveza općina i gradova FBiH, i Brankica Lenić, konzultant Saveza i ekspert za javne financije Posjetili su općine Prozor- Rama, Gornji Vakuf- Uskoplje i Bugojno.

Susreli su se s pomoćnicima načelnika za financije Općine Prozor- Rama, Josipom Jurišićem, Općine Gornji Vakuf- Uskoplje, Nikolom Milićem, te Općine Bugojno, Melćom Strukar. Glavne teme sastanaka bile su financijska stanja i položaji ovih općina, realizirani investicijski projekti, te izazovi u pogledu javnih financija, s kojima se ove općine suočavaju.

Posebno je istaknut problem prijenosa nadležnosti ovim općinama s viših razina vlasti bez prijenosa financijskih sredstava za izvršenje tih nadležnosti, što dovodi do povećanja rashoda općinskih budžeta, te je naznačeno da bi prihodi od dijeljenih poreza raspoređeni općinama trebali biti veći. Pomoćnici načelnika za financije sve 3 posjećene općine su izrazili spremnost na suradnju i djelovanje u okviru Saveza općina i gradova FBiH.



Detalji sa posjete općinama

NAJAVA SEDME SJEDNICE PREDSEDNIŠTVA SKUPŠTINE SAVEZA OPĆINA I GRADOVA FBiH

Sedma sjednica Predsjedništva Skupštine Saveza općina i gradova Federacije Bosne i Hercegovine održat će se u utorak, 26. februara/veljače 2019. godine u zgradi Općine Posušje – Vijećnica Općinskog vijeća (Fra Grge Martića br. 30) sa početkom u 11,00 sati.

Članovima Predsjedništva će se prezentirati Okvirni godišnji plan Saveza za tekuću godinu, izrađen u sklopu Projekta „Jačanje kapaciteta saveza općina/opština i gradova u Bosni i Hercegovini“. U godišnjem planu su identifikovane aktivnosti vezane za lobiranje i zastupanje interesa jedinica lokalne samouprave, pružanje usluga članicama, kao i osnovne institucionalne usluge Saveza.

Savez općina i gradova FBiH, u saradnji sa Savezom opština i gradova RS, planira 13. marta/ožujka 2019. godine organizovati konferenciju na temu: „Predstavljanje analize uticaja EU legislative na jedinice lokalne samouprave i iskustva regiona“. Na toj konferenciji učesnici će imati priliku čuti iskustva i dobre prakse učešća jedinica lokalne samouprave zemalja regiona u procesima EU integracija.

Na sjednici, Predsjedništvo će, između ostalog, biti upoznato sa detaljima Osnivačkog sastanka Mreže za javne finansije/finansije Saveza općina i gradova FBiH održanog 12. februara/veljače 2019. godine u Mostaru. Glavna svrha Mreže je jačanje aktivnosti i inicijativa u segmentu javnih finansija općina i gradova u FBiH i jačanje saradnje i koordinacije pomoćnika načelnika za finansije/finansije.

Članovi Predsjedništva će na sjednici biti upoznati i sa zahtjevom Saveza za obustavu primjene Zakona o izmjenama i dopuni Zakona o komunalnim taksama u Kantonu Sarajevo. Nakon sastanka sa Elmedinom Konakovićem, predsjedavajućim Skupštine KS i Amelom Kovačevićem, ministrom finansija KS, održanog na zahtjev Saveza i općina u KS, dato je obećanje da će sporni Zakon biti vraćen u skupštinsku proceduru, te da će općine u KS i Savez biti konsultovani u postupku donošenja ovog zakona.

Predsjedništvu će biti predloženi i zaključci sa sjednica komisija, te će biti informisani i o aktivnostima Saveza na projektima: „Jačanje uloge mjesnih zajednica u BiH“ i „Regionalni program lokalne demokratije na Zapadnom Balkanu“ (ReLOad).





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook

Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC MART/ OŽUJAK

- **06. mart/ožujak - Dan Općine Hadžići.** Taj dan se obilježava kao znak sjećanja na 6. mart 1996. godine, kada je izvršena reintegracija dijelova općine Hadžići koji su bili okupirani tokom agresije na Bosnu i Hercegovinu. Hadžići, Binježevo, Žunovnica, Grivići i Drozgo metva su naselja koja su 6. marta 1996. godine predana legalnim vlastima Općine Hadžići.
- **10. mart/ožujak - Dan Općine Doboј Istok.** Tog dana 1998. godine Parlament Federacije BiH donio je odluku o osnivanju općine Doboј Istok.
- **10. mart/ožujak - Dan Općine Teočak.** Ovaj datum je izabran jer je na taj dan 1998. godine stupio na snagu Zakon o konstituisanju novih općina u FBiH.
- **12. mart/ožujak - Dan Općine Ilidža.** Naime, 12. marta 1996. godine, provodeći odredbe Dejtonskog mirovnog sporazuma, realizirana je mirna reintegracija područja općine Ilidža.
- **15. mart/ožujak - Dan Općine Dobretići.** Naime, na taj datum Parlament Federacije BiH formirao je Općinu Dobretići.
- **17. mart/ožujak - Dan Općine Trnovo.** Na ovaj dan izvršena je reintegracija područja općine Trnovo 1996. godine.
- **18. mart/ožujak - Dan Općine Fojnica.** Ovaj datum je uzet za obilježavanje Dana općine jer se u dokumentima dubrovačkih trgovaca na taj dan 1365. godine prvi put spominje grad Fojnica.
- **18. mart/ožujak - Dan Općine Sapna.** Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.
- **19. mart/ožujak - Dan Općine Foča-Ustikolina.** Na ovaj dan izvršena je reintegracija područja općine 1996. godine.
- **20. mart/ožujak - Dan Grada Zenica.** Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.
- **21. mart/ožujak - Dan Općine Doboј Jug.** Dan Općine Doboј Jug je 21. mart, kada je 1998. godine održana prva Konstituirajuća sjednica Općinskog vijeća nakon proglašenja-uspostavljanja novih općina. Također, tada je Armija RBiH 21. marta 1993. godine zaustavila veliku neprijateljsku ofanzivu u Bici na Karušama, tzv. tenkovska bitka u kojoj su jedinice 293. Slavne motorizovane brigade ARBiH "Doboј-Bosna" uništili osam tenkova i tri transportera bivše JNA, odnosno vojske tzv. RS-a.
- **21. mart/ožujak - Dan Općine Travnik.**



OPĆINA ILIDŽA

